

INUIT ATAQATIGIIT INATSISARTUNI



UKA2024/57

22.Okt.2024

Mariane Paviasen Jensen

Namminersornerullutik Oqartussani, Kommuninilu nunatsinni tjenestemandit pillugit Inatsisartut Inatsisaata § 55-ip imm.1-ip allanngortinneqarnissaanut tunngasumik nalunaarusioqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut, taamaaliornikkut nunatsinni tjenestemandit, danskit naalagaaffiata nunatsinni tjenestemandinut malittarisassai malillugit tjenestemandisut soraarnerussutisiaqalersinnaaleqqullugit, taamaattorli tapeqartitsisoqassalluni soraarnerussutisiaqaataasussanit aningaasarsianinngaaniit %-mik aaliangersimasumik angissusilikkamik, taamaaliornikkut nunatsinni, qallunaat nunaannilu tjenestemandit soraarnerussutisiaqarnikkut assigiinngissutaasup nalimmassarneqarnissaa anguniarneqassalluni. Naligiinngissutaasoq nalimmassarniarlugu, tapeqaataasussap qanoq annertutiginissaa aammalu kommuninut, namminersorlutillu oqartussanut qanoq aningaasatigut naleqassanersoq nalunaarusiami UKA25 sioqqullugu tunniunneqartussami ersarissarneqassaaq. Tamatumuungattaq ilanngullugu nunatsinni qassit, tjenestemandinut isumaqatigiissut naapertorlugu atorfinitsinneqarsimanersut nalunaarusiami ersarissarneqassaaq.

Inatsisartunut Ilaasortaq, Peter Olsen, Inuit Ataqatigiit

INUIT ATAQATIGIIT INATSIARTUNI



Oqaaseqaat:

Inuit ataqatigiinni siunnersuummut qujalluta oqaaseqarnissarput ima aallarniuteqarfigissavarput.

2021-imi Inuit Ataqatgiit siuttunngornitta kingorna utoqqartatsinnut tunngasunik allannguillattarpugut, tamanna assut nuannaarutigaarput, ukiorpassuarni annertuumik oqallisaajuartut allannguiffigillattaarlugit qinigaaffik una ingerlanerput iluarisimaarparput.

2021-imi ukiakkut utoqalisortatta 65-inik ukioqalerlutik ukiorpassuarni suleruloreersimagunik utoqqalinersiaqalersinnaanermut pisinnaatitaaffeqalersut naalackersuisunit siunnersuutigineqarpoq, 2021-imi aningaasaqarnermut naalackersuisuutitatta, partiit tamaasa peqatigalugit aningaasanut inatsisissami 2022-imut atuuttussami isumaqatigiissusiornermini, ilaatigut nammineq angerlarsimaffiminni najugalinnut utoqqalinersiallit tunngaviusumik pisartagaat 64.239,-nimiit 73.239,-kr-nut qaffaavigineqarnerat, isumaqatigiissummi ilaapput, siusinaartumik soraarnerusutisiallit, utoqqaat utoqqaat illuani najugallit, aningaasarsiarisartagaat qaffanneqassasut.

2022-imi ukiakkut utoqqaat pillugit inatsimmik ataatsimik pilersitsoqarnissaannik siunertalimmik siunnersuummik qaqitsuvunga, utoqqartatta inatsit atugaat ataatsimoortillugit malinnaaffigiiminarnersinneqarnissaat, atugaasalu pitsanngorsaavigineqarnissaat anguniarlugu, siunnersuut naalackersuisut allannguutissatut siunnersuuteqarfigisaat inatsisartunit tamanit akuersissutigineqarpoq ukiarlu manna utoqqarnut INATSISSAQ::

Upernaakkut 2023-imi utoqqarnut tunngasut siunnersuutigineqartut arlaqartut oqaluuserivagut, ilaatigut utoqqaat aappaqarnertik apeqqutaatinnagut tunngaviusumik pisartagaasa iluarsineqarnissaat partiini marlunneersunit

INUIT ATAQATIGIIT INATSISARTUNI



siunnersuutigineqartoq suliarineqarpoq akuersissutigineqarlunilu taamaalilluni ukioq manna aallarnerfigalugu utoqqartatta aappaqarnertik aappaqanginnertilluunniit apeqqutaatinnagu tunngaviusumik pisartagaasa assigiisinneqarnerat atuutilersinneqarpoq. Ukiakkut 2023-imi aamma nalunaarusiortitsisoqarpoq utoqqartatsinnut tunngassutillit. Upernaarlu manna utoqqaat sulillutik pisartakkaminnik ilanngartuuneqartarunnaarnissaannik siunnersuuteqaraluarnera ajoraluartumik nalunaarusiortoqarnissaannik aalijangiisoqarpoq, tamassumallu saqqummernissaa pissanngatigaara.

Tassa qinigaaffimmi annertuumik utoqqartartsinnut atugassarititaasunik annertuumik suliaqarpugut, suleqatigiinnikkut angusartakkagut Inuit Ataqatigiinniit nuannaarutigaaqut, sulissalli suli utoqqartartsinnut tunngasut annertupput, piunmassuseqarpugullu siunissami anguniagaqartuarnissamut utoqqartatta atugaannik pitsanngorsaatisanik ujartuijuarnissamut.

Siunnersuutigineqartoq maanna pingaarutilik saariautigu:

Ukiuni amerlavallaani tjenestemanditut atorfeqarlutik sulisimasut utoqqalinersiaqartinneqartarnerat akuersaaruminaatsuuvoq, taamaammat siunnersuuteqartoq Peter Olsen inuit Ataqatigiinneersoq qutsavigivarput, siunnersuutigaa tjenestemandit atugarisaannut tunngasumik nalunaarusioqqusilluni anguniarlugu nunatsinni tjenestemandit, danskit naalagaaffiata nunatsinni tjenestemandinut malittarisassai malillugit tjenestemandisut soraarnerussutisiaqalersinnaaleqqullugit, taakkunungalu tapisiaqartitsisalernissaq anguniarlugu misissuisoqartitsiniarpoq qanoq annertugisumik aningaasatigut naleqassanersoq nalimmassaasoqarpat. Nalunaarusiarlu Ukiakkut 2025-imi kingusinnerpaamik saqqummiunneqassasoq siunnersuuteqarpoq.

Inuit Ataqatigiit siunnersuummut isumaqataalluinnarpugut, toqqamavipput tassaavoq inuit atugaasa naligiinnerunissaanik anguniagaqarneq,

INUIT ATAQATIGIIT INATSISARTUNI



assigiinngisitsinermik akuersaanngisaanartuuvugut aamma
akuersaanngisaannartussaavugut, nunatsinni najugaqartuusugut
pisinnaatitaaffitta naligiinnissaat pisariaqavissuuvoq, pisinnaatitaaffiillu
namminneerlutik takkunneq ajormata pisussaaffeqartarpugut pisinnaatitaaffiit
attanneqartuarnissaannut suliaqartuarnissamut.

Naalagaaffeqatigiittut taanneqartarnitsinni atugassarititaasut annertuumik
assigiinngissuteqarput, minnerpaammilluunniit
akuersaarneqarsinnaanngitsumik assigiinngisitsineq suli atuuppoq, aamma
tjenestemanditut sulisuusut soraarnerussutisiaqartullu tamanna ukiuni
amerlavallaani inooqataaffigaat.

Suliat assigiit pisinnaatitaaffiit assigiit atuuttariaqarput,
akuersaarneqarsinnaanngitsuuvoq utoqqartatta aalijangertariaqartarnerat
aningaasatigut inuunermilu sinnerani atugarissaarnerunissartik angussagunikku
nunatta avataannut nuuttariaqartarnertik qinertarmassuk.
Iluarsiisoqartariaqarpoq utoqqartattami eqqissillutik utoqqalinissaraluatik
nalunngisamik akornanni, ilaquttamik kinguaamik erguttamik ikinngutiminnik
qanigisaqarlutik inuusinnaatitaanertik allatut ajornartumik qimattariaqartarpaat,
nunattalu ilisimasat pisariaqarteqisagut atorfissaqarteqisagut annaasarpaat.

Qinikkatut sulisugut tamavitta soqutigisariaqarparput utoqqartatta nunami
maani najugaqartuarsinnaanissaat, Naalakkersuisuugutta Inatsisartuugutta
kommuniniluunniit qinikkatut sulisut tamarmik utoqqarnut tunngasut
pingaartillugit pitsanngorsaasoqarnissaa pisariaqartilluinnarparput. Siunnersuut
una pingaarutilerujussuuvoq.

Siunnersuuteqartup toqqammavilersuutiminut ilannguppai: utoqqartatta
eqqissillutik nunami maani utoqqalisinnaanerat inooqataasinnaasariaqartut
suleqataarusukkunillu suleqataasinnaanerat ilanngullugu oqaatigaa,
tamatumunngalu tapersiillunga oqaatigisariaqarpara, taammaammat

INUIT ATAQATIGIIT INATSIARTUNI



uggorinngitsuungilara upernaaq manna siunnersuut
akuersissutigineqarnikuungimmat neriuvinnarpungali siunnersuutip uumap
iluatsinnissaa.

Isumaqarpugut siunnersuut aamma Naalakkersuisut allannguutissatut
siunnersuutaat tamarmik pingaaruteqarlutillu soqutiginaatilerujussuusut,
taakkulu marlunngorlugit ataatsimiititaliami suliarineqassasut, Inuit
Ataqatigiinni assigiinngisitsineq tjenestemandimut tunngatillugu
akuersanngilarput, Naalagaaffiup susassaqarfianut tunngasorujussuuvoq,
taamaammallu Naalakkersuisunut kaammattuutigaara aammalu
innersuussutigaara sakkortuumik Naalagaaffimmut assigiimmik
soraarnerusutisialinnut pinnittoqarnissaannik piunasaqarnertik piaartumik
suliarissagaat oqallinnissarlu qilanaaralugu qujavunga.